

叱凶惡賊即倒註經曰若展及步

金鎖流珠引卷之十

金鎖流珠引卷之十一

言一

此書與前卷之金鎖流珠引卷之十同其卷中之代也
中華仙人 李洋風 註

說佩諸天隱諱

太上老君曰諸天隱名真諱者皆是九天帝君祖諱祖名也常躡地紀飛天綱皆須帶佩於左肘後及九地隱諱名皆須同一袋帶之帶佩飛躡記即誦十八篇呪依法捨過訣便行大法也後聖君告天師張道陵曰卿欲修仙道之要訣須佩諸天大魔真名隱諱三元五星七星北斗二十八宿三十五星官六甲九州五岳四瀆八方萬國千山萬水真名及隱諱在身百靈不敢言卿一生罪咎之書皆以至心畏敬卿身為保舉卿名言陰功之數不言陽罪之過及司命司錄亦如之也其度佩真諱自有文儀在金鎖流珠中篇

說佩諸地隱諱

老君曰本命日及六甲日佩帶修行為上諸天言功保舉為上仙所尊重諸真諱真名也昔黃帝得廣成君教佩此九地真諱經過之

處神靈俱見拜送扶迎不敢為患受驅使註皆高丘子忽入山中遇一道士授與九州真諱及五岳名諱佩在身丘子食素一百日便常將此諱行往一日至咸陽日已將晚忽見四十九人著綠衣玄冠來迎丘子止子問何故答曰伏緣先生身上佩某乙上祖真言真諱真名姓某乙今受驅使今來迎見也恐此土地社廟不知故以先告報今知委也當直後帝常行躡紀得昇雲天又說西山趙芮向上七代佩天地之諱及名皆代代能驅使鬼神救人疾病累代著功前後得道者計三十餘人得長生或尸解之道或洞府之仙唯趙昇為天仙白日拔宅俱隨身舉至孫芮甚能悉禁非法殺害鬼神太多所被謫仙今為考召書吏註今之典名二千年後方得大仙註按九州地紀云西山古荆州地分即今西山名洪州是也

拔宅上昇天宮

太上老君曰吾受元始真言正法太上道君為保舉制伏天魔地靈方始得身白上昇

唯一身而上遊謁諸天朝拜太上道君後方得朝元始天尊而不得拔宅上昇今余以志心精思撰述眾法經文秘訣及諸天隱文真言等得太上金錄之要眾文中撰出拔宅全家男女得道雞犬一時俱昇雲天從此之後始出拔宅註向前无拔宅流行時人不知將

作樂成服得昇宮天俱家拔宅雞犬俱得同行拔宅上昇始於太上老君也註向前无拔宅流行今時得者往往有之皆是行此法計數十家也見在上天李玉張許彭韓等數家

俱以拔宅也李是後聖君於西域竺乾國化胡王成佛後拔廣慈道場宅院一百餘間屋俱昇今紫微上官後聖君舊宅是也後聖更添奴婢雞犬賜與俱昇註案此是後聖大慈大悲恩流賜言功功大積者多者便許及妻

子子孫弟子奴婢雞犬同得俱昇拔宅正法老君告五帝註五帝是五方大帝君也前聖上清言素奏丹符後聖君告真文中五帝亦是若據前後聖人所說及天尊說經中言五帝是一等五大帝別无五帝位也自有真名

註於真文及老君秘符教上云是儒書所云五帝配位非正五帝之位也曰卿欲全家拔宅上昇天仙為五方帝之位者先須變五星出五行豎五藏起五靈可以力攝五精驅役萬兵妻子俱仙奴婢官闕居舍拔宅上昇天庭位號一方之帝統領羣靈日月星註日出皆照四方中央五帝之界皆有日月星三光

保照皆是五帝隨方統領者亦隨方屬於五帝天地水三官有魂魄有形註有魂魄有形曰精有炁无炁有聲无聲皆屬五帝之功生

成舍育之道是卿所行行令也法訣老君授訣於五帝及三皇萬仙人註老君先天地生始生為道立代傳教不絕前後傳者計有萬仙人已上今畧并且言萬舉身拔宅之法修行飛躡註飛天網躡地紀一十四年欲功

滿即以取春甲子日起呼甲子王文卿等六人旬將與神將一十二人六甲玉女六十六人六丁玉女六十六人從官九百餘人註六甲錄上有從官直符正數此三本不同故不再上兵士一百萬人存呼在身後身在前從宅

西北乾上起面向南步作禹步行繞宅三市註三市夜靜无人知見行之即得亦不得言之更存出三元五德將軍八人各領兵註三將軍是中元唐葛周三將軍也兵士各三千萬人五德是青龍白虎朱雀玄武黃庭大將軍等五人是也存之如合弘圖隨配三元隨配兵士具前註逐方註五德將軍東方青龍將軍一人兵士八十一萬人西方白虎將軍一人兵士三十六萬人南方朱雀將軍一人兵士六十四萬人北方玄武將軍一人兵士

二十五萬人中央黃庭將軍一人兵士一十二萬人各隨本屬官領兵士而來又請金鎖流珠中六紀將軍六人兵士各一十二萬人柱天將軍一千二百人註人主一日故一千二百日一周直柱天上也人各兵士一十二

萬人各金鎖流珠光芒精銳兵馬眾三十六萬人等隨心應口而與臣則玄結此宅界方圓若干畝厚十丈百尺厚和屋舍與地俱昇急急如律令即捨天神地神訣註天神訣在左手第三指第三節是常以五色線縛之又

以每到月生一日以朱墨塗之捨之地神訣
 在兩足下註左足下近心有文如魚相似是
 地神訣也常以欲步綱日近三日向前以朱
 墨塗之即步綱又須捨宅神及水神竈神訣
 訣在左手第四指第二節都宅神是都監月
 十二神亦捨都神目絳宮訣等訖即勅神曰
 東方甲乙寅卯辰支干五神將領吏兵八十
 一萬眾以禁步拔此宅東方則宅外界入
 地十丈和土拔須上令得上隨身及家口男
 女雞犬同昇天庭急急如律令又南方丙丁
 已午未支干五神將領吏兵六十四萬眾以
 禁步拔宅南方則宅外界入地十丈和土
 拔上令得上隨身及家口大小男女奴婢雞
 犬同昇天庭急急如律令又西方庚辛申酉
 戌支干五神將領吏兵三十六萬人眾以禁
 步拔宅西方則宅外界入地十丈和土拔
 上令得上隨身及家口大小奴婢雞犬註見
 上古本无奴婢字見後聖君內傳中說拔宅
 有弟子男女及奴婢之字分明又見往往有
 弟子及有男女奴婢雞犬牛馬得隨上昇者

甚多風所添之故向前東方勅未敢言之及
 從南方起終於四維四正四定等言之以傳
 志道之士非人勿傳同昇天庭急急如律令
 又北方壬癸亥子丑支干五神將領吏兵二
 十五萬人眾以禁步拔此宅北方則宅外
 界入地十丈和土拔上令得上隨身及家口
 妻妾男女等註上古亦無妻妾男女字唯見
 後聖後天師拔宅法勅將吏有妻妾及男女
 字入在勅宅北方勅文中言妻妾三人及女
 四人并兒一人所以具於拔宅北方勅中以
 傳志人明知學道功多妻妾同昇上天宮仙
 真之位奴婢雞犬同昇天庭急急如律令又
 四維註寅申巳亥是四維神也又一云是四
 孟神也又四正註子午卯酉是四正之名也
 又四定註辰戌丑未是四定也又一云四季
 是地上名四定以主人心也一定東南二定
 西北三定東北四定西南故稱四定經云一
 定之處必有大災配以屬土故以土屋所臨
 之處皆有大災後聖君知故製拔宅神通法
 立名四定是之却禍除災莫不取州犯大道

神通上定之力大拔宅三四一十二神之力
 共拔宅上昇雲天金闕帝晨後聖上道君七
 寶玄臺玉京上官羅天大城之內空闊寶地
 之上十畝之內居宅得住宅佐轉後聖之官
 身得為小臣之數長生久視得事後聖乞如
 所願勅拔此住宅急急如律令又戊己六
 戌將軍六人己將軍六人兵士各一十二
 萬人隨臣則古步禁拔宅上昇天仙同心併
 力與四方一十二神將獸士兵馬等俱拔此
 宅結界與人俱昇天庭金闕玉京之內急急
 如律令讀誦註讀須把卷即不如誦之大驗
 也老君曰夫欲拔宅昇天庭註庭是太上玉
 皇之庭謂之天庭也先呼存人門之神註人
 門中神也宅西南至西北申上神是猴頭人
 身白衣左手提箭右手持弩名監兵守天西
 南角將兵百萬眾酉上神雞頭人身白衣左
 手提箭右手持弩名子恩守天正西酉上將
 兵百萬眾戌上神狗頭人身白衣左手提箭
 右手持弩名弓隆守天西北角將兵百萬眾
 西北至東北亥上神猪頭人身黑衣左手持

鈞鏤名不臨守天西北角上將兵百萬衆子
上神鼠頭人身黑衣左手持鈞鏤名執明守
天正北上將兵百萬衆丑上神牛頭人身黑
衣左手持鈞鏤名阿君守天東北角將兵百
萬衆東北至東南寅上神虎頭人身青衣左
手執鉞名孟章守天東北角將兵百萬衆卯
上神兔頭人身青衣左手執鉞名門之守天
正東將兵百萬衆辰上神龍頭人身青衣左
手持鉞名天禽守天東南角將兵百萬衆東
南至西南巳上神蛇頭人身赤衣左手持戟
名寄房守天東南角將兵百萬衆午上神馬
頭人身赤衣左手持戟名陵光守天正南將
兵百萬衆未上神羊頭人身赤衣左手持戟
名除君守天西南角將兵百萬衆左將軍從
北斗南門出在左飛行中將軍從北斗南門
出在前飛行右將軍從北斗南門出在右飛
行右存呼三將軍名字陰呼記註左將軍姓
唐名宋右將軍姓葛名邑中將軍姓周名武
三將軍總在三將軍錄上記取案法只得書
名於引書字於錄凡見數本无三將軍字所

以不注又呼左青龍右白虎前朱雀後玄武
當門師子中庭白鶴紫雲蓋宅即從地戶入
註地戶東南是門也宅中庭躡地紀三遍又
飛天綱三遍訖即散為大禹步一十五跡訖
配衣七斗成註前後法用配衣者皆一斗成
或二斗成也今此按宅之法大事須七斗成
是全鎖流珠第二卷上是躡地紀之事是方
始得七宿悉足即十神萬靈衛佐身形訖方
轉天關指四方及中宮四維四正之正往往
如此不逾三年宅隨身家口男女等上昇天
仙轉天關指東界甲乙之鄉木寅卯辰三將
也人各百萬衆兵堅架此宅東方上堅牢土
木下築鐵圍堅鋼東方仰堪隨臣則玄得上
昇仙日及臣家口良賤雞犬得昇天仙人雞
犬同得上昇天庭急急如律令次面南向轉
天關指南界丙丁之鄉火巳午未三將也人
各百萬衆兵堅架此宅南方上堅牢土木下
築鐵圍堅鋼其南方仰堪隨臣則玄得上昇
仙日及臣家口良賤雞犬得昇天仙人雞犬
同得上昇天庭急急如律令次面西向轉天

關指西界庚辛之鄉金申酉戌三將也人各
百萬衆兵堅架此宅西方上堅牢土木下築
鐵圍堅鋼其西方仰堪隨臣則玄得上昇仙
日及臣家口良賤雞犬得昇天仙人雞犬同
得上昇天庭急急如律令次面北向轉天關
指北界壬癸之鄉水亥子丑三將也人各百
萬衆兵堅架此宅北方上堅牢土木下築鐵
圍堅鋼其北方仰堪隨臣則玄得上昇仙日
及臣家口良賤雞犬得昇天仙人雞犬同得
上昇天庭急急如律令次向天門立仰面看
中宮及上下轉天關指中宮及上下四季之
鄉土戌巳辰戌丑未六將註經云六紀將軍
是也人各領一百萬衆總六百萬衆皆屬
九土之神兵以依九地神通之力甚能移山
運海救宅功力甚大與四方支干神官獸士
大將軍以同心協力救宅浮空如等閭之事
不足為難易人各一百萬衆兵堅架此宅中
宮上堅牢內堂三間東行廊西行廊廳門庫
東西南北四院靜堂倉囤高脚井竈中庭書
堂奴婢住屋等若干間註天師一百二十間

屋蜀張天師有一百二十間屋俱得拔昇金闕內城玉京東南空地六十四畝為住宅佐玉京金闕後聖君為左仙宰相位屋土木下築鐵圍堅其中宮屋宇大小瓦木堅牢內三間東行西行廊廳門庫東西南北四院靜堂倉困高脚仰塔隨臣則玄得上昇仙日及家口良賤房院雞栖馬廐倉屋總須隨同得上昇天庭急急如律令又勅四正卯酉子午四定辰戌丑未八卦乾坎艮震巽高坤兌守宅三將軍并竈五行六甲六丁一切諸神兵並隨臣則玄口勅隨口所使拔宅屋宇飛行同身上昇住止急急如律令便息更捨都監訣及天理地理訣或朱墨塗之訖便單往住如此行用三年神常備宅身得昇舉宅便同行此功甚妙不可妄傳非人後聖君告玄洲二十九真及張天師曰卿起今已後教有道心志好之人先著積陰功於人物註陰功具上引註中勿有陰毒之物多積陰德之行註陰功成而道功著子孫咸榮而拔宅隨身得昇奉勿生陰謀陰妬常行陰善陰力註力及於

人物如此之道自見人非人見得其道昔告行真人常力求財物施惠於人功德滿三千白日有神下與拔宅上昇雲天意況拔宅陰功著德感卿更修此網呪之法攝感諸大神靈與人拔宅上昇也於人并以步呪感攝天地大神與卿拔宅上昇天庭又告天師曰卿欲得宅及養育之物隨身仙駕上昇天仙但新建立屋宅周備開四門約如郡鄉之宅註宅如觀相似新堅牢實新堅牢實者但依前步躡網訣之法功滿千日自得隨卿上昇天帝君卜吉地築基架樹於玉京之都常使天神護此宅不休又告天師曰夫人宅不安并有損失人口者以四孟日書五色石上作消災却害字各鎮五方註東方青石南方赤石西方白石北方黑石中宮黃石天子千斤諸侯六百斤各重一百二十斤築宅儀五品三百斤已下一百二十斤各書作四字埋之入土定三尺是三等諸侯百姓一尺道士三尺是其本法尺寸也後若欲拔宅上昇此石不用移動此法是上界鎮宅之法秘之勿妄

傳非人老君曰此法臨拔宅上昇修行法註此言是欲修行拔宅法步呪臨行日夜是也時先存本師於前從者玉童玉女三元五德六甲八卦註八卦甲乙丙丁庚辛壬癸是八卦之神十二支二十四炁神扶車御雲龍駕而來在身之前身在本師後令似金鎖流珠之圖往往如此三年師勅地神令地軸常巡住宅在左右卷攝諸災毒害之炁常令清靜安寧排神列位專候宅主上昇之日隨本師差使註按神仙正經有一人得道皆回本師弟子自合孝順於師常玄空知弟子心孝得道之日奉太上差使下迎於身引以朝謁諸官告尊早拜數後始安告今詣某處受仙位上住下迎宅主此等將軍浮屋宅入五雲地軸地關卷浮地隨主上昇不難飛雲龍虎崔武師子鳳鶴立便輕舉在於須臾老君授拔宅內網訣圖

此宅西從北向南五百六十步

此宅東從北向南五百六十步今此



人但任長短太小為數也

此宅東從北向南五百六十步今此不依此此是天師宅數方圓如此今人但任長短太小為數也

老君曰步網單存土中中郎神一千二百手把劍身長六丈五尺一踰高六十丈甚能有力助人拔宅步網說檢說存而到使之助神拔宅甚有靈驗助力甚疾上勢如風形圖在經中註在流珠中秩中元三將軍部中也

金鎖流珠引卷之十一

金鎖流珠引卷之十二

言三

五行六紀所生引上

太上老君告太極真人曰道生一註一天也

太一專神魂太陽之炁吐太陽之精曜凝結而為日日炁下與陰合一生二註二地也陰

炁之精上騰為日月炁而下合陽故陰陽交蒸凝結為人物居天地之間號曰三才也二

生三註三人也既有人即有寒暑春秋四時輪迴因而復始乃生四天公此說出雷公式

是黃帝飲鐘肉應四時而生四足每足主一方行今名曰四時春夏秋冬是也號之曰四

天公合用四式加臨主四天也三生四時有注具言也四時生五行註五行此所生也五

行生六甲六甲生七星七星生八卦八卦生九精九精生十干星十干星生十二支神十

二支神生二十八宿二十八宿生五斗三十五官星五斗三十五官星生周天萬象周天

萬象生元靈也五行即此之所生也名金水

木火土五星也人之命始生因配五行而得命亦運五行而出衰盛註志人學道常推金

木相剋我不受剋金水相生我即隨生水火相滅我不受滅火木相生我即感榮五行不

害我故長生五者天有五星人有五藏地有五嶽三五也是萬道之主神明之宗火无不

包細无不容註一云細无不入火无不包是也故能生人滅人註五行相扶即生五行相

剋即滅也人所生也皆主五行假如東方木命人亥為所生水註水能浮木土能成木

命得此二星之炁王相也火能燒木以火五金以剋木木畏金也所生土註木雖剋土土

且能活於木木而无損有生成王相之象故能長佩土符吉也所生火註火與木會雖木

而被燒成火不損消化之炁得大而王宜佩火符求財所畏金註金剋木也常以甲子之

中有六十日常以金剋木之日何日甲子甲午壬寅辛亥壬申癸酉已上六日是也修行

如常以丁卯火日書焚或星符佩之六十日一換符也火命人用寅為所生木註木能